



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita P. Iacobi Laynis Secundi Societatis Iesv Generalis
Alphonsi item Salmeronis Vnius in primis decem Socijs**

**Ribadeneyra, Pedro de
Coloniae Agrippinae, 1604**

De natalibus, primisq[ue] adolescentiae studijs. Cap. 1.

urn:nbn:de:hbz:466:1-11740

DE VITA
IACOBI
LAYNIS

Societatis IESV Præpositi
Generalis ab Ignatio
Secundi,

LIBER PRIMVS.

ANDREA SCHOTTO Societa-
tis eiusdem interprete.

*De natalibus, primisq; adolescentiæ
studijs.*

CAPVT I.



IACOBI LAYNIS,
Societatis IESV Præ-
positi Generalis ab Ig-
natio Loiola secundi,
vitam scribere iussus,
à natalibus exordiar. Natus Almaza-
ni, agri Segontini oppido, regni Ca-
stellæ non incelebri: anno à Chri-
sto nato M. D. XII. parentibus

A

ho-

DE VITA

honestis, reque bene lauta, Ioanne Layne, & Isabella Gomezia Legionensi. Horum eximiam in Deum pietatem Petrus Faber vnus in primis decem Ignatij socijs, cum primo ex Hispania anno 1542. reuertit, literis ad Laynem, prædicat, gratulaturq; tales illum parentes nactum, quos sibi in pietatis studio, animorumq; salute paranda, dicto audientes comperisset Mater recens à partu Segontiam versus animi gratia profecta, torrentem, qui imbribus nimium quantum creuerat, ipsa traiecit: iumentum verò, quo nutrix infantem gestans vehebatur, lapsu concidit: infans secundo flumine ferebatur. Auunculus itineris comes, equo calcaribus adacto, falcijs puerum natantem, vndis Moyfis exemplo extractum, matri penè exanimata restituit: cui non minus iucundum accidit, conseruatum, quam natum filium: quod salutis certa læticia sit; nascendi incerta conditio. Maiore itaque studio ad virtutem informandum parens curauit. Ut primum è pueris.

Exod 2.

pueris excessit, ijs litteris tinctus, quibus ætas puerilis ad humanitatē informari solet, Segontia & Soriana, quod in ipsis ferè Numantia ruinis situm oppidum, missus dehinc à parentibus Complutum est, Gymnasiū optimis Philosophis semper abundans. Hic cito antecellere ceteris ingenij gloria contigit. erat autem in adolescente præter docilitatem ingenij, summa etiam oris, morumque suauitas, vt non solum celeriter acciperet, quæ tradebantur, sed etiam ab æqualibus quamuis superior amaretur. Decurso iam Philosophia spatio, laurea que insigniri de more cum vellet, nihil egit, dixitve superbius, neque candidatus suffragia, vt fit, studiosè consecretando captabat, vt primum locum, vigilijs suis debitū, (qui summæ illic laudi ducitur) obtineret. Illud tantum: arbitros modeste rogare, ex equo, & bono, nullo amore, aut odio adducti rem disceptent. Modestiq; & illud argumentum; cum infrequenti tum Academiae cōuentu, Latine perorandum esset; ac-

A 2

cessit.

accessissetque, qui iuuare in partem
 & vellet & posset, abnuit: Nolo, in-
 quit, alienis me plumis cornicula in
 morem venditare, conditione igitur tua
 non utar, ne alieno labore disertus vide-
 ar, fucumque faciam. In egenos iam tu
 adeo beneficus extitit, ut plus ino-
 piae aliorum subleuandae, quam vi-
 ctui quotidiano, expensum tulisse,
 rationibus subductis, compertum
 sit. Compluto Lutetiam Parisiorum,
 quae tum Academia liberalissimis
 studijs, eruditissimisque hominibus
 affluebat, cum discendi gratia, tum
 Ignatij videndi, cuius adhuc in Car-
 petanis fama vigeat, profectus, vr-
 bemque copiosam, & celebrem in-
 gressus, illum ipsum, non dubia Dei
 voluntate obuiam habuit, cuius co-
 silijs studia, remque familiarem mo-
 derabatur. Vsu vero & familiaritate
 adeo sibi illum Ignatius obstrinxit,
 ut pijs exercitationibus informan-
 dum se Iacobus, ut erat ad pietatem
 propensus, libens eidem tradiderit:
 quo de vitae studiorumque optimo

genere

IAC. LATINI, LIB. I.

genere deligendo, & salute quærenda maturè constitueret. Triduum in hoc secessu cibis abstinuit: quindecim verò diebus pane, & aqua sine condimento contentus, in cœlestium rerum meditatione acquieuit. Oratione adhæc, lachrymis, cilicio, atque flagellis usus, Deum venerans precabatur, uti, quæ diceret, ageretque, ad suam plurimorumque salutem vellet pertinere. Secundus itaque à Fabro Ignatij se societati addixit. Peripateticæ Philosophiæ studijs, hortante illo, ex Aristotelis fontibus reuocatis, ad diuinam disciplinarum reginam, animum appulit. Hic assiduè disputando, ut erat ingenio acer, memoriaque singulari, facile tum ostendit, fore ut magno Ecclesiæ vsui & ornamento esset.

In Italiam profectus, quæ gesserit.

CAPVT II.

EVocatur Ignatius Socios Lutetia Venetias anno 1536. ut religione obstricti in Palaestinam, ad CHRISTI vestigia Hierosolymis

mis